

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

4/2002

16.04.2002.godine

SLUŽBENI GLASNIK IZDAJE:

Služba Općinskog vijeća, Općinskog
načelnika i službi za upravu

ODGOVORNI UREDNIK:

Hajrudin Katardžić, dipl.pravnik

I – AKTI OPĆINSKOG VIJEĆA

Na osnovu člana 115. Statuta općine Zavidovići ("Službeni glasnik općine Zavidovići", broj 3/2002-PREČIŠĆENI TEKST) i člana 106. Poslovnika Općinskog vijeća («Službeni glasnik općine Zavidovići», broj 3/2002-PREČIŠĆENI TEKST), Općinsko vijeće općine Zavidovići na 28.sjednici održanoj dana 15.4.2002.godine, donijelo je

O D L U K U**o objavljivanju propisa i drugih akata, uređivanju i izdavanju
«Službenog glasnika općine Zavidovići»****I – OBJAVLJIVANJE PROPISA, IZDAVANJE I
DOSTAVLJANJE «SLUŽBENOG GLASNIKA»****Član 1.**

U «Službenom glasniku općine Zavidovići» (u daljem tekstu: «Službeni glasnik»), objavljuju se propisi i drugi opći akti Općinskog vijeća, Općinskog načelnika i drugih organa i organizacija na način i pod uslovima kako je to određeno ovom odlukom.

Član 2.

Zadatak «Službenog glasnika» je da upozna općinske organe, službe za upravu, javna preduzeća, javne ustanove, ostala preduzeća i ustanove, udruženja građana, političke partije i stranke i građane općine Zavidovići, sa svim propisima i ostalim aktima čije je objavljivanje obavezno za donosioca propisa i ostalih akata ili kada donosilac propisa i akata smatra da ih treba objaviti u «Službenom glasniku», a koji su bitni za ostvarivanje prava i obaveza građana i organizacija općine Zavidovići.

Član 3.

U «Službenom glasniku», objavljuju se:

1. Statut općine, planski dokumenti, opći bilans sredstava, budžet, odluke, naredbe, uputstva, rješenja, zaključci, preporuke Općinskog vijeća, te Poslovnik Općinskog vijeća.
2. rješenja, zaključci, uputstva i drugi opći akti Općinskog načelnika, ako Općinski načelnik odredi da će se oni objaviti,
3. rješenja, zaključci, uputstva i drugi akti iz domena odbrane i Štaba civilne zaštite, ako se posebno odredi da će se oni objaviti,
4. odluke ustavnih sudova, ako je odlukom određeno da će se oni objaviti,
5. ispravke propisa i drugih akata kada se utvrdi da tekst objavljen u «Službenom glasniku», ne odgovara izvornom tekstu,
6. akti Općinske izborne komisije za koje ona odredi da će se objaviti,
7. ostali akti kada je to predviđeno zakonom, Statutom općine Zavidovići ili drugim propisima.

- 105 -

Član 4.

Mjesne zajednice su dužne u «Službenom glasniku» objaviti odluke i druga opća akta kojima se uređuju prava i obaveze građana mjesne zajednice.

Član 5.

U «Službenom glasniku» mogu se objavljivati i konkursi, odnosno objave o upražnjenim radnim mjestima u općinskom organu uprave, ukoliko je to predviđeno zakonom ili drugim općim aktima o uređenju međusobnih odnosa.

Član 6.

Troškovi objavljivanja propisa i drugih općih akata Općinskog vijeća, Općinskog načelnika, komisija i radnih tijela Općinskog vijeća i mjesnih zajednica padaju na teret sredstava Budžeta općine Zavidovići.

Član 7.

Troškovi objavljivanja propisa i drugih općih akata organizacija i zajednica, padaju na teret one organizacije ili zajednice koja je obavezna da propis ili drugi akt objavi u «Službenom glasniku» ili traži da se on objavi.

Visina naknade troškova objavljivanja propisa i drugih općih akata organizacija i zajednica, utvrđuje Općinski načelnik na bazi kalkulativnih troškova štampanja «Službenog glasnika» po jednoj stranici kucanog teksta.

Član 8.

Bliža uputstva o određivanju visine troškova izdavanja «Službenog glasnika», određuje Općinski načelnik posebnim uputstvom.

Član 9.

Propisi i drugi opći akti Općinskog vijeća i Općinskog načelnika objavljuju se u «Službenom glasniku» u tekstu koji je utvrdio organ koji ga je donio.

Član 10.

«Službeni glasnik» izdaje Služba Općinskog vijeća, Općinskog načelnika i službi za upravu.

Član 11.

«Službeni glasnik» izlazi po potrebi.

Propisi doneseni na sjednici Općinskog vijeća i akti Općinskog načelnika, po pravilu, objavljuju se u prvom narednom broju «Službenog glasnika», a najkasnije u roku od 20 dana od dana održavanja sjednice.

- 106 -

Član 12.

Općinski načelnik određuje u koliko će se primjeraka štampati pojedini broj «Službenog glasnika», vodeći računa da «Službeni glasnik» izađe u dovoljnom broju primjeraka kao i o sredstvima koja je za «Službeni glasnik» obezbijedio Budžet općine.

Član 13.

«Službeni glasnik» dostavlja se službama za upravu, političkim partijama-strankama i mjesnim zajednicama u dovoljnom broju primjeraka.

«Službeni glasnik» organima i zajednicama iz prethodnog stava dostavlja se besplatno.

Član 14.

«Službeni glasnik» dostavlja se i drugim zainteresovanim licima, ukoliko izvrše pretplatu na «Službeni glasnik».

Član 15.

«Službeni glasnik» dostavlja se i ostalim subjektima u slučajevima kada one nisu pretplaćene na «Službeni glasnik», pod uslovom da su u njemu objavljeni propisi tog subjekta.

Član 16.

«Službeni glasnik» dostavlja se besplatno i onim općinama sa kojima se vrši razmjena «Službenog glasnika».

Član 17.

O blagovremenom dostavljanju «Službenog glasnika» starat će se Služba Općinskog vijeća, Općinskog načelnika i službi za upravu.

Član 18.

Građanima i drugim organizacijama obezbjeđuje se da mogu vršiti uvid u «Službeni glasnik».

II – UREĐIVANJE «SLUŽBENOG GLASNIKA»

Član 19.

«Službeni glasnik» ima odgovornog urednika. Odgovorni urednik rukovodi poslovima štampanja i izdavanja «Službenog glasnika».

Odgovornom uredniku u poslovima izdavanja i štampanja «Službenog glasnika» pomaže redakcijski kolegij od 2 člana.

Sekretar Općinskog vijeća je po položaju odgovorni urednik «Službenog glasnika».

Članove redakcijskog kolegija određuje Općinski načelnik.

- 107 -

Član 20.

Materijali za štampanje u «Službenom glasniku» dostavljaju se najkasnije 15 dana prije štampanja «Službenog glasnika».

Primljeni materijal, prije štampanja, obavezno pregledaju odgovorni urednik i članovi redakcijskog kolegija.

III – PRELAZNE I ZAVRŠNE ODREDBE

Član 21.

Općinsko vijeće obezbjeđuje u Budžetu općine novčana sredstva potrebna za izdavanje «Službenog glasnika».

Član 22.

Stupanjem na snagu ove odluke, prestaje da važi Odluka o uređivanju i izdavanju «Službenog glasnika opštine Zavidovići» («Službeni glasnik opštine Zavidovići», broj 6/76).

Član 23.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-02-660
Datum, 15.4.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 16. Zakona o osnovnoj školi ("Službene novine Zeničko-dobojskog kantona", broj 5/97) i člana 55. Statuta općine Zavidovići ("Službeni glasnik općine Zavidovići", broj 3/2002- PREČIŠĆENI TEKST), Općinsko vijeće Zavidovići, na svojoj 28.sjednici održanoj 15.4.2002.godine, donijelo je

ODLUKU

o utvrđivanju prijedloga školskih područja osnovnih škola na općini Zavidovići

I

Ovom Odlukom utvrđuje se prijedlog školskih područja općine Zavidovići sa kojeg je redovna osnovna škola obavezna da primi školske obveznike.

II

Redovna osnovna škola može na svom školskom području organizovati područne škole sa jednim ili više odjeljenja u skladu sa Pedagoškim standardima.

III

Osnovne škole na području općine Zavidovići su: Javna ustanova "Prva osnovna škola" Zavidovići, Javna ustanova "Druga osnovna škola" Zavidovići, Javna ustanova "Osnovna škola Kovači" Kovači, Javna ustanova "Osnovna škola Gostović" Gostović, Javna ustanova "Osnovna škola Hajderovići" Pašin konak, Javna ustanova "Osnovna škola Vozuća" Vozuća.

IV

I. Javna ustanova "Prva osnovna škola" Zavidovići

a/ Centralna škola: Petkovići, Potklečje, Skroze, Dolovi i naselja uz Gostović do 4 km, odnosno naselja na desnoj obali rijeke Bosne do Dabića kuća, do granične linije sa područjem Druge osnovne škole, a ide od ulice dr. Pinkasa Bandta pored Samačke zgrade broj 22 koja pripada području druge osnovne škole, a zatim ide dalje prema jugu Bolničkim potokom, stepenicama prema Naselju Solidarnosti, a odatle bezimenom ulicom do ul. Abdulvehaba Ilhamije. Granična linija ide dalje ul. Abdulvehaba Ilhamije do raskrsnice sa ul. Narodnog fronta te se nastavlja bezimenom ulicom između stambenih objekata brj 27. i 29. a produžava se između kuća Stevanović Premila i Salkanović Omera gdje izlazi na ul. Voćarski put. Području Prve osnovne škole pripadaju sva naselja sa desne strane ove granične linije.

- b/ Područna škola Lovnica: Donja Lovnica
- c/ Područna škola Mećevići: Mećevići, Grab i Krčevine
- d/ Područna škola Dolac: Kazići, Donja Blizna i Dolac

2. Javna ustanova "Druga osnovna škola" Zavidovići

a/ Centralna škola: Ridžali, Biljačić, Džebe, Vribica, Dubravica, Majdan, Naselje grada Zavidovići na lijevoj obali rijeke Bosne. Na desnoj obali rijeke Bosne: Krivajska ulica, ulica Gazija, Česme, Romsko naselje, Dragovački put, Abdulvehaba Ilhamije, Naselje solidarnosti /dio/, granična linija u odnosu na školsko područje Prve osnovne škole počinje od ulice dr. Pinkasa Bandta pored Samačke zgrade broj 22, Bolničkim potokom i stepenicama prema Naselju solidarnosti, a odatle bezimenom ulicom do ulice Abdulvehaba Ilhamije sa stambenim objektima broj 9/A i 11 do raskrsnice sa ulice Narodnog fronta. To školi pripadaju objekti pod brojem 42 i 32 i svi objekti lijevo od njih. Granica ide dalje bezimenom ulicom između stambenih objekata 27 i 29 i izlazi na ulicu Voćarski put, presijeca ulicu Markovac i silazi do Romskog naselja.

Učenici sa područja MU Rujnica /dio koji gravitira uz samu rijeku/, nakon završetka 4 razreda i polaska u 5 razred mogu biti upisani u Drugu osnovnu školu.

- b/ Područna škola Dolina: Alići i Dolina
- c/ Područna škola Lug: Lug

3. Javna ustanova "Osnovna škola Kovači" Kovači

a/ Centralna škola: Stavci, Brijeg, Džinići, Dragojevići, Gornji Kovači, Vrela, Karalići, Žižci, Hrkići, Stanica Kovači, Donji Vikovići, Gornji Vikovići, Donji Mustajbašići, Gornji Mustajbašići i Bare /dio/

b/ Područna škola Brezik: Krajnići, Memići, Brezik polje, Brašljevine, Hum, Lug, Brezik selo, Bare /dio/

c/ Područna škola Smailbašići: Curići, Lazendići, Šadići, Krivajska stanica, Smailbašići, Tunjik, Sjenokos, Podmalovan, Božići, Tripunovići

4. Javna ustanova "Osnovna škola Gostović" Gostović

a/ Centralna škola: Tribići, Lug, Sinanovići, Vukmanovići, Čardak, Pejići, Drakulići, Borovnica, Stipovići /dio/, Kućice

b/ Područna škola Mahoje: Mahoje, Potok, Žubor, Volujak, Brdo, Žioke, Oštrić,

c/ Područna škola Bajvati: Bajvati, Beše i Lijevča

d/ Područna škola Grabovica: Dedići, Grabovica, Velići, Mrdjani

e/ Područna škola Priluk: Priluk, Dabići, Lazići, Veselinovići

f/ Područna škola Mitrovići: Mitrovići, Kamenica, Stojanovići,

g/ Područna škola Poljice: Poljice, Prnjavor, Marušići, Fojnica, Paravci, Stipovići /dio/

5. Javna ustanova "Osnovna škola Hajderovići" Pašin konak

a/ Centralna škola: Mujkići, Imamovići, Brdo, Garići, Lišići, Bratanovići, Borik, Vučije polje, Rudače, Pašin konak, Kuvelj, Omar, Osmići, Omići, Merdanovići, Dedići, Pluževine, Granja, Krušćice, Kljenik, Tursići, Horozovići, Horozovina Krčevina /Junuzovići/, Mramorje, Slana bara, Mednjik, Laz, Huskići, Huskića brdo, Delići, Livade, Keseri, Kuljani, Hasanovići i Suljići

b/ Područna škola Rujnica: Mednjik, Huskići, Jolde, Luke, Selište, Do, Blizna gornja, Hadrovići, Tursići, Kazići

c/ Područna škola Karačići: Karačić Gornji, Karačić Donji, Riječani, Čevaljuša, Brezici

6. Javna ustanova "Osnovna škola Vozuća" Vozuća

a/ Centralna škola: Pantelići, Mitrovice, Stakići, Vukovine, Donji Delići, Cvjetovine, Šiktari Zabici, Brdo, Zabrd, Gare, Misaradja, Turčinovići, Vasovine, Stošnica, Miljevići, Pejići, Potkočarin, Maričići, Gaj, Bukvići, Predrazi Donji, Panići

b/ Područna škola Ribnica: Predražići, Vračevac, Čizme, Mujići, Ribnica, Gornja Gosovica, Džine, Nišani, Donja Gosovica, Prisjeka, 29. kilometar

c/ Područna škola Maoča: Gornja Dištica, Zatine, Ivanovići, Maoča, Stipin Han

d/ Područna škola Slivići: Gornje Vukovine, Osječani, Podobala, Bara, Crnjevo, Vildani, K

e/ Područna škola Kalaiši: Kalaiši, Jeličići, Bučje, Lipa, Pašalići, Djozići, Bare, Predrazi gornji

f/ Područna škola Stog: Stog, Hrge, Kamenica, Stari Stog, Podvolujak, Polje, Hodžići, Trnić Vasići, Medići.

V

Učenici od I do IV razreda pohađaju nastavu u svojoj područnoj školi ili centralnoj školi.
Učenici od V-VIII razreda po pravilu pohađaju nastavu u svojoj centralnoj školi.

VI

Odluka stupa na snagu danom donošenja, a naknadno će se objaviti u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-38-970
Datum, 15.4.2002.godine

PREDSJEDAVAJUĆI

Fuad Berberović, s.r.

Na osnovu člana 2. i člana 14. Zakona o komunalnim djelatnostima («Službeni list SRBiH», broj 20/90) i člana 93. Poslovnika Općinskog vijaća Zavidovići («Službeni glasnik Općine Zavidovići», broj 3/2002 - PREČIŠĆENI TEKST), Općinsko vijeće Zavidovići na 28.sjednici, održanoj 15.4.2002. godine, donijelo je

O D L U K U

O UTVRĐIVANJU KOMUNALNE NAKNADE ZA FINANSIRANJE KOMUNALNIH DJELATNOSTI ZAJEDNIČKE POTROŠNJE U OPĆINI ZAVIDOVIĆI

I – OSNOVNE ODREDBE

Član 1.

Odlukom o utvrđivanju komunalne naknade za finansiranje komunalnih djelatnosti zajedničke potrošnje u općini Zavidovići (dalje u tekstu: Odluka) utvrđuju se djelatnosti zajedničke komunalne potrošnje na području općine Zavidovići, propisuje obaveza plaćanja komunalne naknade za korištenje objekata i uređaja zajedničke komunalne potrošnje, utvrđuju osnovi i mjerila za utvrđivanje komunalne naknade, obveznici plaćanja komunalne naknade, način vođenja postupka i izdavanja rješenja o naknadi i vršenje naplate i namjena za koju će se koristiti komunalna naknada.

Član 2.

Kao djelatnosti zajedničke komunalne potrošnje na području općine Zavidovići smatraju se:

1. Čišćenje javnih saobraćajnih površina u naselju što obuhvata prikupljanje, održavanje, deponovanje i uništavanje otpadaka i padavina sa saobraćajnih površina
2. Održavanje i uređivanje javnih zelenih površina kao što su: parkovi, drvoredi, skverovi, travnjaci, rekreacioni centri, zelenilo uz saobraćajnice i zelene površine uz stambene zgrade, što obuhvata reproduktivnu sadnju drveća, trave i drugog rastinja,
3. Održavanje javnih saobraćajnih površina u naselju što obuhvata popravke i modernizaciju ulica, pločnika, trgova, objekata za javnu rasvjetu i vertikalne i horizontalne signalizacije
4. Odvođenje atmosferskih voda iz naselja
5. Javna rasvjeta u naseljima kojom se osvijetljavaju saobraćajne i druge javne površine
6. Održavanje javnih parkirališta
7. Djelatnosti zimske službe u gradu i na nekategorisanim putevima i pravcima
8. Dekoracija grada,

9. Čišćenje i održavanje regulisanih i neregulisanih vodotoka
10. Održavanje spomen-obilježja, javnih česmi i fontana, panoa za javno plakatiranje
11. Učešće u izgradnji objekata zajedničke komunalne potrošnje

Član 3.

Obveznici naknade iz prethodnog člana su vlasnici ili nosioci prava raspolaganja na stambenom, poslovnom ili drugom prostoru, ako su korisnici tog prostora, nosioci stanarskog prava, zakupci stambenog, poslovnog i drugog prostora, odnosno fizički i pravna lica koja su korisnici objekata i uređaja zajedničke komunalne potrošnje.

Član 4.

Komunalna naknada određuje se prema broju jedinica mjere (m²) izgrađene korisne površine stambenog, poslovnog i drugog prostora, a pripadaju određenom vlasniku, odnosno korisniku iz člana 3. ove Odluke.

Član 5.

Obaveza plaćanja komunalne naknade nastaje od prvog dana narednog mjeseca nakon početka faktičkog korištenja prostora za koji se plaća, ali ne kasnije od prvog dana narednog mjeseca u kojem je izdato odobrenje za upotrebu građevine, odnosno kome ističe rok za završetak izgradnje građevine, ako je taj rok utvrđen rješenjem o odobrenju građenja.

Kao dan nastanka obaveze plaćanja komunalne naknade iz prethodnog stava smatra se onaj koji se prije ostvari.

Služba uprave nadežna za odobravanje građenja koja je rješenjem odredila rok završetka građevine i služba uprave nadležna za odobravanje upotrebe građevina dužna je jedna primjerak svog rješenja dostaviti nadležnoj službi uprave, odnosno ovlaštenoj organizaciji ili zajednici za utvrđivanje obaveze plaćanja komunalne naknade.

II – KOMUNALNA NAKNADA

Član 6.

Visina komunalne naknade određuje se u zavisnosti od namjene za koju se koristi prostor i o stepenu opremljenosti naselja komunalnim objektima i uređajima zajedničke komunalne potrošnje, kao i kvaliteta i standarda komunalnih proizvoda i usluga i u zavisnosti od ubranih sredstava.

Član 7.

Prema kriterijima iz prethodnog člana utvrđuje se obaveza plaćanja naknade za sve korisnike komunalne zajedničke potrošnje na općini Zavidovići, kako za urbani dio grada, podijeljen u 6 zona, shodno Odluci o određivanju zona (Službeni glasnik

Općine Zavidovići 13a/2001), tako i za dijelove općine koji nisu obuhvaćeni urbanim dijelom općine.

Član 8.

Visina komunalne naknade po jedinici mjere korisne površine prostora izražava se brojem bodova koji pripadaju određenoj vrsti prostora i u zavisnosti od pripadnosti tog prostora određenom području iz člana 7. ove Odluke.

Član 9.

Visina komunalne naknade izračunava se množenjem korisne površine prostora za jedan mjesec sa brojem bodova utvrđenih po zonama i vrijednošću boda.

Član 10.

Visina komunalne naknade po jedinici mjere korisne površine stambenog, garažnog i sličnog prostora za jedan mjesec, izražen u bodovima iznosi:

- 1. zona	35 bodova
- 2. zona	30 bodova
- 3. zona	25 bodova
- 4. zona	20 bodova
- 5. zona	15 bodova
- 6. zona	10 bodova
- područje izvan urbanog dijela općine	5 bodova

Ako se stambeni, garažni i sličan prostor koristi kao poslovni prostor, naknade iz prethodnog stava odredit će se prema mjerilima za tu vrstu prostora za onaj dio korisne površine koji se za tu svrhu koristi.

Član 11.

Visina naknade iz stava 1 prethodnog člana, za vikend objekte koji se koriste za vlastite potrebe određuje se u dvostrukom iznosu nakande za stambeni prostor, a za područje izvan urbanog dijela općine na nivou naknade za stambeni prostor u 6. zoni.

Član 12.

Visina komunalne naknade po jedinici mjere korisne površine proizvodnog prostora za jedna mjesec izražena u bodovima iznosi:

- 1. zona	55 bodova
- 2. zona	45 bodova
- 3. zona	35 bodova
- 4. zona	25 bodova
- 5. zona	15 bodova
- 6. zona	10 bodova
- područje izvan urbanog dijela općine	8 bodova

Za saobraćajne prostore (manipulativni prostor, ograđena dvorišta, nadstrešnica, ekonomska dvorišta, nepokrivena skladišta i sl.) utvrđena naknada iz stava 1. Ovog člana umanjuje se za 60% u odnosu na proizvodne prostore.

Član 13.

Visina komunalne naknade po jedinici mjere korisne površine poslovnog prostora i drugog prostora za obavljanje djelatnosti za jedan mjesec, izražena u bodovima po pripadnosti određenoj zoni, odnosno području, iznosi po pojedinim grupama i vrstama djelatnosti, kako slijedi:

GRUPA	VRSTA DJELATNOSTI	I	II	III	IV	V	VI	*
1	- banke, osiguravajuće kuće							
	- finansijske organizacije, turističke agencije, advokatske kancelarije							
	- PTT, preduzeća za distribuciju el. energije							
	- bifei, gostionice, restorani							
	- čevabdžinice, aščinice, buregdžinice i slastičarne							
	- kafe barovi, disko klubovi, picerije							
	- kiosci bez obzira na djelatnost							
	- objekti brze hrane (fast food)							
	- lutrije i igre na sreću							
	- pumpne stanice, trgovine na veliko (veleprodaje)							
	BROJ BODOVA	450	350	300	250	200	150	100
2	- ugostiteljske usluge smjetaja i ostale ugostiteljske usluge koje naprijed nisu navedene, trgovina na malo osim trgova sa isklj. prehrambenim proizvodima							
	- željeznički i drumski saobraćaj							
	- zanatske usluge							
	- trgovina na malo, isključivo za promet poljoprivredno-prehrambenih proizvoda							
	- tržnice							
	- usluge u oblasti prometa (skladišta i stovarišta)							
	- administrativni prostori preduzeća (kancelarije) osim preduzeća nabrojanih prvoj grupi djelatnosti							
	BROJ BODOVA	350	300	250	200	150	100	50
3	- zdravstvo							
	- obrazovanje, vaspitanje, nauka i kultura							
	- fizička kultura i sport							
	- socijalna zaštita							
	- zaštita od požara							
	- ostale neprivredne djelatnosti i vjerski objekti							
	BROJ BODOVA	250	200	150	100	50	40	20

* - područja izvan urbanog dijela općine, odnosno područja koja nisu obuhvaćena Odlukom o određivanju zona

Član 14.

Općinsko vijeće može na osnovu obrazloženog zahtjeva obveznika komunalne naknade vjerske zajednice, javne ustanove iz oblasti obrazovanja, predškolskog

vaspitanja, sporta, kulture i socijalne zaštite djelimično ili potpuno osloboditi plaćanja naknade.

Član 15.

Vrijednost boda u smislu ove Odluke utvrđuje Općinski načelnik.
Saglasnost na vrijednost boda daje Općinsko vijeće.

Član 16.

Općinski načelnik će prilikom utvrđivanja vrijednosti boda u smislu člana 8. ove Odluke voditi računa o potrebama finansiranja zajedničke komunalne potrošnje u periodu od januara do decembra tekuće godine, u skladu sa Programom za obavljanje komunalne djelatnosti zajedničke potrošnje.

Član 17.

Komunalna naknada plaća se mjesečno, najkasnije do petog u mjesecu za protekli mjesec.

Član 18.

Visinu komunalne naknade utvrđuje rješenjem općinska služba nadležna za komunalne poslove.

Član 19.

Protiv rješenja iz člana 18. ove Odluke dozvoljena je žalba u roku od 15 dana od dana prijema rješenja.

Žalba se podnosi Drugostepenoj komisiji za rješavanje po žalbama izjavljenim protiv prvostepenih rješenja i drugih prvostepenih pojedinačnih akata Općinskog načelnika.

Član 20.

Naplatu po rješenju o utvrđivanju visine komunalne naknade izvršava Služba za upravu privrednih djelatnosti.

Član 21.

Komunalna naknada uplaćuje se na računa broj: 1340300000007385, vrsta prihoda: 722431, šifra općine: 102.

Član 22.

Korištenje sredstava komunalne naknade za finansiranje komunalnih djelatnosti zajedničke potrošnje može se odobriti samo na osnovu sačinjenog i usvojenog programa za obavljanje komunalne djelatnosti zajedničke potrošnje.

Član 23.

Program iz člana 16. ove odluke dužna je sačiniti Služba za upravu privrednih djelatnosti.

Program komunalnih djelatnosti zajedničke potrošnje sadrži elemente iz člana 13. stav 3. Zakona o komunalnim djelatnostima.

Član 24.

Saglasnost na Program iz člana 16. ove Odluke daje Općinski načelnik.

Član 25.

Odobrenje korištenja sredstava komunalne naknade za komunalne djelatnosti zajedničke potrošnje daje Općinski načelnik .

Član 26.

Općinski načelnik dužan je donijeti akte iz člana 9. ove Odluke u roku od 30 dana od dana usvajanje Odluke.

III – PRELAZNE I ZAVRŠNE ODREDBE

Član 27.

Naplaćena sredstva po osnovu ove Odluke koristiće se isključivo za finansiranje komunalne djelatnosti zajedničke potrošnje, a u skladu sa Programome iz člana 16. ove Odluke.

Član 28.

Stupanjem na snagu ove Odluke prestaje da važi Odluka o komunalnim djelatnostima zajedničke potrošnje br. 01-023-13 od 5.3.1997. godine.

Član 29.

Ova Odluka stupa na snagu osmog dana od dana objavljivanja u službenom glasniku Općine Zavidovići.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-23-2064
Datum, 15.4.2002.godine

Fuad Berberović, s.r.

Na osnovu člana 11. i člana 53. Zakona o proračunima-budžetima u Federaciji Bosne i Hercegovine (Službene novine Federacije BiH br:20/98) i člana 93. Poslovnika Općinskog vijeća ("Službeni glasnik općine Zavidovići", br:3/2002 - PREČIŠĆENI TEKST), Općinsko vijeće na 28. sjednici održanoj 15.04.2002. godine, donijelo je

ODLUKU

o usvajanju obračuna budžeta općine Zavidovići
za period 01.01. - 31.12.2001. godine

I

Usvaja se obračun budžeta općine Zavidovići za period 01.01. - 31.12.2001. godine prema slijedećim podacima:

- UKUPNI PRIHODI	3.354.698,48 KM
- UKUPNI IZDACI	3.178.675,98 KM
- VIŠAK PRIHODA	176.022,50 KM

II

Ostvareni višak prihoda nad izdacima u 2001. godini evidentirati na kontu 591111 u cilju pokrića izdataka nad prihodima prethodnih godina.

III

Sastavni dio ove Odluke čini Izvještaj o izvršenju Budžeta Općine Zavidovići za 2001. godinu.

IV

Ova Odluka stupa na snagu prvog narednog dana od dana objavljivanja u "Službenom glasniku općine Zavidovići".

OPĆINA ZAVIDOVIĆI
OPĆINSKO VIJEĆE
Broj: 01-14-797
Datum: 15.04.2002. godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 56. Zakona o expropijaciji ("Službeni list SRFiH", broj 12/87 i 38/89 i "Službeni list RBiH", broj 15/94) i člana 55. tačka 2. Statuta općine Zavidovići ("Službeni glasnik općine Zavidovići", broj 3/2002 – PREČIŠĆENI TEKST), Općinsko vijeće Zavidovovići je na svojoj 28. sjednici održanoj 15.04.2002. godine, donijelo

O D L U K U

**o naknadama za gradsko građevinsko zemljište
koje se izuzima od ranijeg vlasnika**

Član 1.

Ovom odlukom se utvrđuje visina naknade za gradsko građevinsko zemljište u društvenoj svojini koje se izuzima od ranijeg vlasnika za 2002. godinu.

Član 2.

Naknada za m2 gradskog građevinskog zemljišta koji se izuzima od ranijeg vlasnika iznosi 12,80 KM (dvanaestzarezosamdeset KM).

Član 3.

Ova odluka stupa na snagu prvi naredni dan od dana objavljivanja u Službenom glasniku općine Zavidovići.

OPĆINA ZAVIDOVIĆI
- OPĆINSKO VIJEĆE -

Broj: 01-23-681

Datum: 15.4.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 68b. Zakona o građevinskom zemljištu ("Službeni list R BiH", broj 34/86, 1/90, 29/90. i "Službeni list R BiH", broj 3/93 i 13/94) i člana 55. tačka 2. Statuta općine Zavidovići ("Službeni glasnik općine Zavidovići", broj 3/2002 – PREČIŠĆENI TEKST), Općinsko vijeće Zavidovići je na svojoj 28. sjednici održanoj dana 15.4.2002. godine, d o n i j e l o

O D L U K U

**o utvrđivanju prosječne konačne građevinske cijene m²
korisne stambene površine u državnoj svojini na području
općine Zavidovići za 2002. godinu**

Član 1.

Utvrđuje se prosječna konačna građevinska cijena m² korisne stambene površine u državnoj svojini na području općine Zavidovići u iznosu od 640,00 KM (šeststotinačetdeset konvertibilnih maraka).

Član 2.

Ova odluka stupa na snagu danom objavljivanja u Službenom glasniku općine Zavidovići.

OPĆINA ZAVIDOVIĆI
- OPĆINSKO VIJEĆE -

Broj: 01-31-690
Datum: 15.4.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-3847
Datum: 15.04.2002.godine

Općinsko vijeće Zavidovići na svojoj 28. sjednici održanoj dana 15.04.2002.godine, a na osnovu člana 15. stav 1. i 2. a u vezi sa članom 4. Zakona o eksproprijaciji ("Službeni list SRBiH", broj 12/87 i 38/89 i "Službeni list RBiH", broj 15/94) i člana 55. tačka 2. Statuta općine Zavidovići ("Službeni glasnik općine Zavidovići, broj 3/2002-PREČIŠĆENI TEKST), na prijedlog MZ "Branioci grada" za utvrđivanje općeg interesa, donijelo je

RJEŠENJE

Utvrđuje se da je od općeg interesa izgradnja vodovoda za naseljena mjesta Ridžali, Džebe, Majdan i Gornje selo te se u tu svrhu može pristupiti nepotpunoj eksproprijaciji-ustanovljenju prava služnosti postavljanja i održavanja vodovodnih cijevi u korist MZ "Branioci grada" na sljedećim nekretninama:

K.O. Zavidovići

- k.č. 54/2 vl. Dizdarević Fatima kći Kasima; k.č. br.54/1 vl. Dizdarević Dževad sin Osmana; k.č. br. 50/1 i 50/2 vl. Ridžal Sejad sin Mustafe; k.č. br.53/1 vl. Dizdarević Fazila kći Rasima, k.č. br. 53/3 vl. Dizdarević Fatima kći Rasima; k.č. br. 47/1 vl. DRSV Ridžal Remzija kći Derviša; k.č. br. 36 vl. Ridžal Mirsad sin Mustafe, Ridžal Sulejman sin Mustafe, Fejzić Senija kći Mustafe i Mujić Sadeta kći Mustafe; k.č. br.46/1 vl. Muhić Nihad sin Osmana; k.č. br.44 vl. Muhić Hamida kći Osmana; k.č. br. 38/5 vl. Ridžal Enes sin Rifeta; k.č. br. 57/1 i 57/2 vl. DRSV Ridžal Asim sin Sefira; k.č. br. 57/3 vl. Ridžal Aziz sin Muje; k.č. br.57/4 vl. Mahmić Fatima kći Ibrahima; k.č. br. 57/5 vl. Starčević Fajka kći Ibrahima; k.č. br. 57/6 vl. Isić Kemal sin Mule;

K.O. Alići

- k.č. br. 1770, 1806, 1821, 1869, 1876, 1942, 1962, 2812, 2813, 777 i 905 vl. DRSV Javni i nekategorisani putevi; k.č. br. 1822 vl. Ivešić Marko sin Ilije; k.č. br.1686/1 vl. Mijatović r. Horovski Jozefina kći Ante; k.č. br. 1689 i 1703 vl. Ivešić Ana ud. Andrije; k.č. br. 1693/1 vl. Dragić Alojz sin Pere; k.č. br. 1693/2 vl. Dragić Perica sin Alojza; k.č. br. 1693/5 vl. Dragić Anto sin Alojza; k.č. br. 1693/6 vl. Dragić Anto sin Alojza i Dragić Alojz sin Alojza sa dijelom 1/2 ; k.č. br.1694/2 vl. Dragić Zdenko sin Alojza; k.č. br.1702 vl. DRSV IP "Krivaja" DD; k.č. br. 1727 vl. Kajić Anto sin Nikole k.č. br. 1726/1 vl. Ivešić Kata rođ. Barešić; k.č. br.1943/1 vl. Mujić Šerif sin Huseina; k.č. br. 1944/1, 1944/2 vl. Muhić Suad sin Osmana; k.č. br. 1946 vl. Ridžal Izest sin Asima sa dijelom 4/8, Ridžal Refika ud. Uzeira , Ridžal Vasva kći Uzeira, Ridžal Džehva kći Uzeira i Ridžal Dževad sin Uzeira svi sa dijelom 1/8; k.č. br.1955 vl. Ridžal Mirsad sin Mustafe, Mujić Sadeta kći Mustafe sa dijelom 1/2; k.č. br.1957 vl. Bečić Šerif sin Avde; k.č. br. 1959 vl. Ridžal Salim sin Omera; k.č. br. 1960 vl. Ridžal Mirsad sin Mustafe; k.č. br. 1947/1 vl. Ridžal Refika kći Mehmeda; k.č. br. 1684 vl. DRSV Skupština opštine; k.č. br. 1683/1 vl. Džebić Fatima rođ. Tubić; k.č. br. 1683/2 vl. Tubić Mustafa sin Mustafe; k.č.

br. 1683/3 vl. Tubić Mustafa sin Mustafe i Džebić Fatima kći Mustafe sa dijelom 1/2; k.č. br. 1820 vl. Ivešić Ana kći Nike; k.č. br. 1816 i 1817 vl. Ivešić Anto sin Nike; k.č. br. 1823 vl. Ilić Ivan sin Joze; k.č. br. 1824 i 1913/2 vl. Ibrišimović Ešref sin Kasima; k.č. br. 1825 i 1826 vl. Dudić Dobrosav sin Vojislava; k.č. br. 1827 vl. Isić Sabahudin sin Mihrudina, Isić Bahrudin sin Mihrudina, Isić Fahrudin sin Mihrudina i Isić Derva kći Nurije sa dijelom 1/4; k.č. br. 1813/3 vl. Vrbić Ivo sin Andrije; k.č. br. 1931/1 vl. Katardžić Mirsada kći Džemala; k.č. br. 1926, 1929, 1930 i 1931/2 vl. Starčević Čebira rođ. Mustafić; k.č. br. 1811/2 vl. Džebić Rizo sin Fadila; k.č. br. 1808 vl. Džebić Sulejman sin Salke; k.č. br. 1805/1 vl. Džebić Salim sin Derviša, Džebić Ramiz sin Derviša, Džebić Ibrahim sin Derviša, Starčević Vasva kći Derviša, Fazlić Zulejha kći Derviša, Džebić Fatima kći Derviša, Džebić Fadila kći Derviša, Džebić Hatka kći Derviša, Džebić Čebira kći Derviša svi sa dijelom 3/30, Faljić Mujo sin Mehmeda, Faljić Sanela kći Esme, Faljić Anel sin Esme svi sa dijelom 1/30; k.č. br. 1805/2 vl. Džebić Ibrahim sin Derviša; k.č. br. 1803 vl. Ridžal Ramiza kći Mustafe; k.č. br. 1802 vl. Džebić Mustafa sin Agana; k.č. br. 1801 vl. Isić Čimka kći Ibrahima, Starčević Fajka kći Ibrahima, Mahmić Fatima kći Ibrahima, Mehanović Arifa kći Ibrahima, Maglajkić Džehva kći Ibrahima, Ridžal Duda kći Ibrahima svi sa dijelom 5/35, Ridžal Merima kći Agana, Džebić Mustafa sin Agana, Džebić Hava kći Salke, Džebić Ahmet sin Agana, Gradinović Bahrija kći Agana sa dijelom 1/35; k.č. br. 1800 vl. DRSV Mjesna zajednica Majdan; k.č. br. 1964 i 1987 vl. Ridžal Nihad sin Kasima; k.č. br. 1965 i 1966 vl. Ridžal Sejad sin Mustafe; k.č. br. 1967/1 vl. Ridžal Sulejman sin Mustafe; k.č. br. 1967/2 vl. Ridžal Esad sin Sulejmana; k.č. br. 1970 vl. Ridžal Hamzalija sin Omera; k.č. br. 1971 vl. Bečić Šerif sin Avde; k.č. br. 1924 vl. Starčević Čerima kći Salima, Starčević Ragib sin Saliha sa dijelom 1/2; k.č. br. 1922 vl. Mehić Fatima kći Sulejmana; k.č. br. 1921 vl. Čosić Mehmed sin Hasana; k.č. br. 1912 vl. Kupusović Hazba kći Mehmeda; k.č. br. 1911 vl. Imširović Nesim sin Eniza; k.č. br. 1910 vl. Mehanović Ahmet sin Ibrahima; k.č. br. 1907 vl. Mehanović Ramiz sin Ibrahima; k.č. br. 1835, 1905/2 i 1906 vl. Ahmićević Brišo sin Hasana; k.č. br. 1905/1 vl. Ahmićević Fikret sin Briše; k.č. br. 1904 vl. Mehić Nezir sin Ragiba; k.č. br. 1849/1 vl. Mustafić Kasim sin Hasana sa dijelom 4/22, Mustafić Ramiz sin Hasana, Mustafić Rizah sin Hasana, Mustafić Mustafa sin Hasana, Mustafić Bego sin Hasana, Mehanović Ramiza, Lišinović Senija, Starčević Emina, Ljuca Đulsuma rođ. Mustafić svi sa dijelom 2/22, Mustafić Edin sin Ibrahima, Mustafić Elida kći Ibrahima sa dijelom 1/22; k.č. br. 1908 vl. Mehanović Ramiz sin Ibrahima; k.č. br. 1882/2 vl. Mehić Hasan sin Ragiba; k.č. br. 1881/1 vl. Buterin Fadila kći Ragiba; k.č. br. 1887 vl. DRSV Mjesna zajednica Biljačić; k.č. br. 1834 vl. Džebić Ibrahim sin Ibrahima; k.č. br. 780/1, 780/3, 781 vl. Šabić Ismet sin Jusufa; k.č. br. 778/1, 778/2 vl. Spahić Safeta rođ. Šabić; k.č. br. 783/1, 783/2 vl. Ljakić Nezir sin Ibrahima; k.č. br. 791/1 vl. Memišević Emina ud. Hasana, Memišević Mirela mldb. kći Hasana, Memišević Mahir mldb. sin Hasana svi sa dijelom 1/3; k.č. br. 791/4 vl. Čahtarević Fatima kći Mehmeda, Memišević Esad sin Mehmeda, Muhedinović Fata kći Mehmeda, Memišević Sead sin Mehmedasvi sa dijelom 2/10, Memišević Mirela mldb. kći Hasana, Memišević Mahir mldb. sin Hasana sa dijelom 1/10; k.č. br. 795 vl. Čostić Mehmed sin Adema; k.č. br. 785 vl. Ljakić Zaim sin Omera; k.č. br. 773 vl. Mehić Mustafa sin Avde; k.č. br. 771/5 vl. Mehić Fatima kći Bege; k.č. br. 305 vl. Bajrić Rizo sin Avde.

O b r a z l o ž e n j e

MZ "Branioci grada" obratila se Općinskom vijeću Zavidovići sa prijedlogom broj 1-03-145/01 od 06.12.2001. godine kojim su tražili utvrđivanje općeg interesa za izgradnju vodovoda za naseljena mjesta Ridžali, Džebe, Majdan i Gornje selo.

U zahtjevu ističu da su radovi na izgradnji vodovoda za pomenuta naseljena mjesta već otpočeli a da bi krenuli sa drugom fazom radova- prokopavanje kanala radi postavljanja vodovodnih cijevi preko nekretnina navedenih u dispozitivu ovog rješenja neophodno je rješavanje imovinsko pravnih odnosa sa vlasnicima pomenutih nekretnina.

Uz prijedlog su priložili:

- Izvod iz investiciono tehničke dokumentacije
- Izvode iz posjedovnih listova sa podacima o nekretninama na kojima bi se izvodili radovi

Mišljenje u smislu člana 16. Zakona o eksproprijaciji o društveno ekonomskoj opravdanosti izvođenja radova na poljoprivrednom zemljištu, nije traženo od MZ "Branioci grada" pošto je ista podnosilac prijedloga za utvrđivanje općeg interesa kao i korisnik nepotpune eksproprijacije.

Imajući u vidu navode stranke iznešene u prijedlogu za utvrđivanje općeg interesa i priložene dokaze odlučeno je kao u dispozitivu rješenja, a na osnovu člana 15. stav 1. i 2. Zakona o eksproprijaciji.

Citirani član Zakona o eksproprijaciji glasi:

" U slučaju da opći interes nije utvrđen po članu 13. i 14. ovog zakona, eksproprijacija se može predložiti tek pošto Skupština opštine ,a na obrazložen prijedlog korisnika eksproprijacije , donese rješenje da je izgradnja objekata na određenom zemljištu od opšteg interesa i da se može pristupiti eksproprijaciji. Rješenje iz prethodnog stava donosi Skupština opštine na čijem se području nalazi zemljište".

U konkretnom slučaju radi se o nepotpunoj eksproprijaciji odnosno pravu službenosti, što je regulisano članom 4. stav 1. koji glasi: "Eksproprijacijom se može ustanoviti službenost na zemljištu i zgradi, kao i zakup na zemljištu na određeno vrijeme (nepotpuna eksproprijacija) , odnosno članom 7. Zakona o eksproprijaciji koji glasi: "Eksproprijacija se može vršiti za potrebe društveno-političke zajednice, mjesne zajednice, organizacije udruženog rada, samoupravne interesne zajednice, društveno-političke organizacije, zakonom određene društvene organizacije i druge samoupravne organizacije i zajednice (korisnik eksproprijacije).

Eksproprijacijom se može izuzetno ustanoviti službenost u korist građana radi postavljanja vodovodnih cijevi, električnih i telefonskih kablova i gasovoda, kanalizacije i u drugim slučajevima određenim zakonom".

Protiv ovog rješenja ne može se izjaviti žalba niti se može pokrenuti upravni spor.

**PREDSJEDAVAJUĆI
OPĆINSKOG VIJEĆA**

Fuad Berberović, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-726

Dana: 15.4.2002.godine

Općinsko vijeće Zavidovići na svojoj 28. sjednici održanoj dana 15.04.2002.godine, na osnovu člana 15. stav 1. i 2. Zakona o eksproprijaciji ("Službeni list SRBiH", broj: 12/87 i 38/89) i ("Službeni list RBiH", broj: 15/94) i člana 55. tačka 2. Statuta općine Zavidovići ("Službeni glasnik općine Zavidovići", broj: 3/2002 – PREČIŠĆENI TEKST), na prijedlog JP Elektroprivrede BiH sa p.o. Sarajevo, Direkcija za distribuciju, Elektrodistribucija Zenica-poslovnica Zavidovići za utvrđivanje općeg interesa, donijelo je

RJEŠENJE

Utvrđuje se da je od općeg interesa izgradnja elektroenergetskih objekata – priključni dalekovod, trafostanica i niskonaponska mreža "Kamenica II", te da se u tu svrhu može pristupiti utvrđivanju prava služnosti postavljanja i održavanja objekata za prenos i razvođenje električne energije u korist JP Elektroprivreda BiH sa p.o. Sarajevo, Direkcija za distribuciju, Elektrodistribucija Zenica-poslovnica Zavidovići na sljedećim nekretninama u k.o. Kamenica:

- k.č. 12/7 upisana u P.L. 118 vl. Nikić Mirko sin Rajka; k.č. 22 i k.č. 25 obje upisane u P.L. 79 vl. Nedić Ružica ud. Sekule, Nedić Čedomir sin Sekule, Nedić Nenad sin Sekule, Nedić Slavko sin Sekule, Nedić Boško sin Sekule i Nedić Duško sin Sekule svi sa dijelom 1/6; k.č. 26/3 upisana u P.L. 13 vl. Božić Drago sin Ostoje; k.č. 26/2 upisana u P.L. 44 vl. Ilić Marko sin Nedeljka, Ilić Milorad sin Nedeljka i Ilić Čedo sin Nedeljka svi sa dijelom 1/3; k.č. 26/1 upisana u P.L. 42 vl. Ilić Bogdan sin Todora; k.č. 23/3 upisana u P.L. 74 vl. Nedić Čedomir sin Sekule; k.č. 12/3 upisana u P.L. 116 vl. Jović Radovan sin Dejana; k.č. 10, k.č. 11/1, k.č. 11/4, k.č. 11/6, k.č. 12/1, k.č. 12/9, k.č. 12/10 sve upisane u P.L. 80 vl. Nedić Stojan sin Mitra; k.č. 5/4 upisana u P.L. 133 vl. Nedić Milenko sin Ilije; k.č. 14/1 upisana u P.L. 126 vl. Nikić Savka kći Dušana; k.č. 14/3, k.č. 14/4 obje upisane u P.L. 123 vl. Lukić Milenka kći Dušana; k.č. 14/2 upisana u P.L. 120 vl. Lukić rođ. Nedić Milenka; k.č. 11/3 upisana u P.L. 119 vl. Božić rođ. Nedić Milja i k.č. 36 upisana u P.L. 45 vl. Ilić Rajko sin Todora.

Obrazloženje

JP Elektroprivreda BiH sa p.o. Sarajevo, Direkcija za distribuciju, Elektrodistribucija Zenica-poslovnica Zavidovići obratilo se Općinskom vijeću Zavidovići prijedlogom broj: 4911-1765/02 od 27.02.2002.god. i dopunom prijedloga broj: 4911-236/02 od 15.03.2002.god. da se utvrdi opći interes za izgradnju elektroenergetskih objekata DV, STS i NNM-e "Kamenica II" kako bi se u korist podnosioca prijedloga moglo ustanoviti pravo služnosti postavljanja i održavanja objekata (AB stubova i trafo stanice) za prenos i razvođenje električne energije na parcelama označenim u dispozitivu rješenja.

Uz prijedlog za utvrđivanje općeg interesa stranka je priložila; urbanističku saglasnost broj: UTU-03/3-23-5343/01 od 13.11.2001.god., izvod iz projektne dokumentacije,

izvod iz plana investicija za 2002 godinu broj 4911-175/02 od 26.02.2002 god., posjedovne listove koji se odnose na predmetne parcele i dokaz o uplati takse

Imajući u vidu značaj izgradnje pomenutog elektroenergetskog objekta u cilju stvaranja uvjeta za povratak prijeratnog stanovništva na ovo područje kao i činjenicu da su ispunjeni zakonski uslovi za utvrđivanje općeg interesa za izgradnju istog, odlučeno je kao u dispozitivu rješenja, a na osnovu uvodno citiranih odredbi Zakona o eksproprijaciji koje glase:

Član 15. stav 1. i 2.: "U slučaju ako opšti interes nije utvrđen po članu 13. i 14. ovog zakona, eksproprijacija se može predložiti tek pošto skupština opštine, a na obrazloženi prijedlog korisnika eksproprijacije, donese rješenje da je izgradnja objekta na određenom zemljištu od opšteg interesa i da se može pristupiti eksproprijaciji. Rješenje iz prethodnog stava donosi skupština opštine na čijem se području nalazi zemljište".

Protiv ovog rješenja ne može se izjaviti žalba niti se može pokrenuti upravni spor.

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 105. Statuta općine Zavidovići («Službeni glasnik općine Zavidovići», broj 3/2002 – PREČIŠĆENI TEKST) i člana 101. Poslovnika Općinskog vijeća Zavidovići («Službeni glasnik općine Zavidovići», broj 3/2002- PREČIŠĆENI TEKST), Općinsko vijeće Zavidovići na 28.sjednici od 15.04.2002. godine razmatralo je Izvještaj o izvršenju Budžeta općine Zavidovići za 2001.godinu, pa usvojilo

ZAKLJUČAK

1. Prihvata se Izvještaj o izvršenju Budžeta općine Zavidovići za 2001.godinu.
2. Obavezuju se nadležni organi uprave da se sredstva Budžeta odgovornije troše, uz redovno praćenje od strane Općinskog vijeća.
3. Kod realizacije sredstava neophodno je obezbijediti da se planirana sredstva utroše u planirane namjene.
4. Da se korisnicima koji primaju transfer iz Budžeta Centru za socijalni rad, Gradskom dječijem vrtiću, parlamentarnim strankama, mjesnim zajednicama i udruženjima boračkih populacija u 2002.godini isplate zaostale rate iz 2001.godine, shodno prilivu prihoda u 2002.godini.
5. Zadužuje se Općinski načelnik da u roku od 30 dana Općinskom vijeću dostavi izvještaj o izvršenju Budžeta zajedno sa službama (zbirni izvještaj – konsolidovani bilans) po mandatima prethodnih načelnika od 1992.godine.
6. Općinsko vijeće Zavidovići pokreće inicijativu prema Općinskom načelniku za preispitivanju općinskih propisa kojima su regulisana visina naknade za zauzimanje javne površine i takse za zauzimanje javne površine. Ukoliko Općinski načelnik utvrdi da se plaćaju naknade i taksa za istu površinu, treba da pokrene postupak za izmjenu općinskih propisa.
7. Općinsko vijeće predlaže da se novčana sredstva dobijena u postupku sječe šuma (Fond za unapređenje šuma FUŠ) utroše za pošumljavanje šuma prema programu kojeg će sačiniti Općinski načelnik.
8. Zaključak stupa na snagu danom usvajanja, a o realizaciji staraće se Općinski načelnik i služba za upravu općine Zavidovići.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-14-714
Datum, 15.04.2002.godine

Fuad Berberović, s.r.

S A D R Ź A J

I – AKTI OPĆINSKOG VIJEĆA

1. ODLUKA o objavljivanju propisa i drugih akata, uređivanju i izdavanju «Službenog glasnika općine Zavidovići»	104
2. ODLUKA o utvrđivanju prijedloga školskih područja osnovnih škola na općini Zavidovići	108
3. ODLUKA o utvrđivanju komunalne naknade za finansiranje komunalnih djelatnosti zajedničke potrošnje u općini Zavidovići	111
4. ODLUKA o usvajanju obračuna budžeta općine Zavidovići za period 01.01.-31-12-2001.godine	117
5. ODLUKA o naknadama za gradsko građevinsko zemljište koje se izuzima od ranijeg vlasnika	118
6. ODLUKA o utvrđivanju prosječne konačne građevinske cijene m2 korisne stambene površine u državnoj svojini na području općine Zavidovići za 2002.godinu	119
7. RJEŠENJE o utvrđivanju općeg interesa za izgradnju vodovoda za naseljena mjesta Ridžali, Džebe, Majdan i Gornje selo	120
8. RJEŠENJE o utvrđivanju općeg interesa za izgradnju elektro-energetskih objekata priključni dalekovod «Kamenica II»	123
9. ZAKLJUČAK OV o prihvatanju Izvještaja o izvršenju Budžeta općine Zavidovići za 2001.godinu	125